

U mërècànè chë z'annammurattë dë la morta

Primë dë la 'uèrra, nu giovënë dë nu paèsë cummë fussë Gildónë o San Giuannë, ch'éva rëmënutë da la Mèrëca, z' accattattë la machëna e tuttë lë sérë mënija a Campuaššë a truvà l'amicë.

Succërèttë ca na séra, mèntrë z'arrètëravë a u paèsë suo', arrevatë a u bivië addò štëa la taverna pë San Giuannë, vërèttë na bèlla figlióla chë lë fa ségnë dë fërmarzë. U giovënë zë fërmë e la fa saglì 'ncoppë.

Chëšta èva avéramèntë na bèlla giovëna, tènëa lë capillë biondë e l'uocchië nirë. U giovënë subbètë zë në 'nammurattë e ncumenzattë a 'ttaccà bëttonë.

Arrëvatë chë furënë primë dë la curva d'u cëmèterë, la 'uagliona dicë: " fërmëtë ca i' scégnë qua, so' arrëvata".

U giovënë zë fërmë e prima dë farla scégnë l'addummannë së la po' rëvërë la séra appriéssë ca issë zë n'è 'nammuratë.

La 'uagliona responnë 'é sì e zë salutannë, sènza darzë n'appuntamèntë prècisë.

La séra appriéssë 'štu giovënë turnattë a Campuaššë e raccuntattë u fattë a l'amicë suo', e addummannattë së cacchërunë la canuscëa, ma tuttë quantë rëspunnënnë ca cë në štëa una sola ca rëspunnëa a lë cunnutatë chë issë avëa ràtë, ma chëssa 'ncë štëa chiù, ca éva morta. 'Stu giovënë rëmanèttë nu pochë suspëttusë, ma nën zë facëa capacë...

Arrëvatë l'ora, la štëssa dë la sera prima, u giovënë z'avviattë....ma appena arrëvatë a la taverna pë San Giuannë vërèttë ca la 'uagliona l'aspëttavë. Allora pënzattë ca l'amicë l'avëanë fattë nu schërzë o l'avëanë scagnata kë n'auta.

Zë fërmattë, la facèttë saglì e 'ncumënzattë a parlarlë dë l'intenziona sua, po' a la finë pë farla rirë l'arracconta chëllë ca évënë rittë l'amicë suo': ca dë fémmënë bèllë chë sumigliavënë a éssa, cë n'éva štata una sola, ma éva morta.

Sëntënnë u fattë la 'uagliona nnë rërèttë, ma abbuzzattë appena nu zinnë dë comprënzionë.

Intantë, parlannë parlannë, évënë arrëvatë a la curva d'u cëmèterë. U giovënë zë férma e va ca lë vo' piglià la manë pë salutarla e z'accorgë ca chëssa è sparita.

Guarda la porta pë vërë së z'éva mënàtë abbascë da la machëna sènza ca issë zë në fussë accortë e la machëna éva chiusa.

Allóra pënzattë subbètë a la uagliona morta, zë sbauttèttë tantë ca zë lë facënnë tuttë lë capillë ghianchë.

U juornë dopë, jèttë a u cëmèterë 'e Campuaššë e vërèttë mbaccë a na làpëda la fotografia dë 'lla giovëna.

U pùuriëlle rëmanèttë 'e štucchë e 'ncumënzattë a tremà sanë sanë; tantë trëmavë ca zë lë facënnë purë lë baffë ghianchë.

Zë fëssattë tantë, ca doppe nu pochë zë në jèttë 'é capë e murèttë.